

NICOLAVS DE DINCKELSPIHEL.



Nicolaus ille ex patria sese literarum amore Vuiennā Austriæ contulit, ubi legendo, scribendo & disputando adeò sese exercuit, ut primas totius Academiæ facile obtinuerit, atq; eius gymnasij decus & Rector extiterit. erat enim in sacris literis explicandis promptissimus, atq; in philosophia acutissimus. Eruditioni eius respondebat honesta uitæ cōuersatio, ita ut ab omnibus suspicetur. Itaq; factum ut ab Vniuersitate Viennensi ad Concilium Constantiense mitteretur. ubi etiam ad finem usq; perseverans omnibus doctis innotuit. Scripsit is multa præclara uolumina, quibus nomen suum ad posteros cum gloria transmisit. nimurum super quatuor lib. Sententiarum, de Donis spiritus sancti, de Octo beatitudinibus, de Octo uitijs capitalibus, de Septem peccatis mortalibus, de Tribus partibus pœnitentiæ, super decem præcepta, & super orationem Dominicam, cum multis alijs sermonibus de tempore & moralibus. floruit Anno Christi 1420. Trit.